

**Prezident ta’lim muassasalari agentligi huzuridagi
Jamoatchilik kengashi yig‘ilishining
2-sonli bayoni**

2022-yil 15-aprel

Toshkent shahri

Raislik qiluvchi:

D.U. Xatamova – Kengash raisi

Qatnashdilar:

S.B. Shakirova, D.B. Talipova, R.G‘. Kazakov,
A.S.Davletyarov, D.A. Sobirova

KUN TARTIBI:

**Prezident ta’lim muassasalari agentligi tizimida yangi tashkil etilgan
ixtisoslashtirilgan maktablarga o‘qituvchilar hamda o‘quvchilar qabuli,
talabgorlarning ota-onalari bilan ishlash va ular uchun tushuntirish
targ‘ibotini tashkil etish to‘g‘risida**

(Xatamova, Talipova, Kazakov, Davletyarov, Sobirova, Xatamova)

Yig‘ilishni Kengash raisi D.Xatamova kirish so‘zi bilan ochdi va Agentlik tarkibida yangi 168 ta ixtisoslashtirilgan maktablarga qabul jarayonlarini sifatli tashkil etish masalasida so‘z yuritdi. Davlat rahbari tashabbusi bilan Prezident ta’lim muassasalari agentligi tizimida 193 ta yangi ixtisoslashtirilgan maktablar tashkil etildi.

Ushbu maktablardan 168 tasida 2022/2023-o‘quv yili uchun o‘quvchilarga qabul e’lon qilinadi. Shu bilan birgalikda yangi ixtisoslashtirilgan maktablarda dars berish uchun pedagog kadrlarni ishga olish yuzasidan qabul e’lon qilinadi. Pedagoglarning saralash jarayonlari 3 bosqichda bo‘lib o‘tadi. Unda birinchi bosqich hujjatlar qabuli bo‘lib, hujjatlar 20-maygacha job.piima.uz sayti orqali qabul qilinadi.

Hujjatlar qabuli jarayonida to‘liq Call-markaz faoliyat olib borishi ko‘zda tutilgan. Keyingi bosqich test jarayonlari bo‘lib fanlar kesimida 11-18-iyun kunlari bo‘lib o‘tadi. Keyingi bosqichda testdan muvaffaqiyatli o‘tgan pedagog kadrlar suhbatga chaqiriladi.

Shu bilan birgalikda pedagoglar uchun mahorat darslari tashkil etiladi. Ushbu jarayonlar shaffof tashkil etish maqsadida imtihon jarayonlari videosyomka qilinadi. Agentlik tizimida tashkil etilayotgan yangi ixtisoslashtirilgan maktablarga o‘quvchilarni qabul jarayonlari OAV va ijtimoiy tarmoqlarda keng yoritilishi va

ushbu maktablarga o‘quvchilar qabul qilinishi e’lon qilinadi. Hujjatlar onlayn qabul qilinadi.

Hujjatlarni to‘g’ri joylashtirish to‘g’risida video-yo‘riqnomalar tayyorlanadi. Shu bilan birga ota-onalarga qulaylik yaratish maqsadida Call-markaz faoliyati yo‘lga qo‘yiladi.

Ushbu markaz orqali arizalarni to‘ldirish, talabgor tahsil olayotgan maktab ma’lumotnomasini to‘ldirish va ariza uchun rasmlarni yuklash bilan bog‘liq masalalarda ko‘plab savollarga o‘z vaqtida javob berib borilishi ta’minlanadi.

Shuningdek, kun tartibiga qo‘yilgan masalalar yuzasidan Kengash a’zolari - D.Talipova va R.Kazakovlar o‘z taklif va mulohazalarini bildirishdi. Kun tartibidagi masalalarni muhokama qilgan holda yig‘ilish

QAROR QILADI:

1. Agentlik tizimidagi qabul jarayoniga oid dolzarb masalalar yuzasidan mas’ullar bilan intervyular tashkil etish va imtihon jarayonlariga aholi xabardorligini oshirish kengroq targ‘ib etish choralarini ko‘rish tavsiya etilsin.

2. Agentlik rahbariyatidan Jamoatchilik kengashi tomonidan bildirilgan fikrlarning inobatga olinishi so‘ralsin.

3. Agentlikning Ommaviy axborot vositalari va jamoatchilik bilan ishlash bo‘limiga ko‘p tushayotgan murojaatlar yuzasidan brifing hamda matbuot anjumanlari tashkil etish tavsiya etilsin.

4. Ushbu yig‘ilishdagi qarorlar ochiq ovoz berish yo‘li bilan qabul qilindi, “Qarshilar” va “betaraflar” bo‘lmadi.

Kengash raisi

D.Xatamova

Kengash kotibi

D.Talipova